



# Tuhaqtidjutikhaq

Tuhaqtitauhainnaqtukhaq

## Kangikhipkaidjutikhaq Tikittukhat Nunavunmut

**IQALUIT, Nunavunmi (imaruqtirvia 8, 2017)** - Pivalliayuliqiyitkut inglelrayuliqiyitkullu quviahuktut tuhaqtiplutik kangikhipkaidjutikhanik Tikittukhat Nunavunmut, nutaaq tikkittumajunut niuvvadjutikhanik Kavamangata Nunavut hanaqiyat aariyakhanik aquiyumayunut takkupkaidjutikhaniklu aviktuqhimaniptingnik.

Havaktauhimayuq qauyihattiaqtaudjutanit kiudjutainitlu Nunavunmiut, Pivalliayuliqiyitkut havaktiinit nunanilu ihumaliuqtuyunit katimayiinit, Tikittukhat Nunavunmut hanaqiyauhimayuq takupkaidjutikhanik ihumagilugitlu "Quvianarninganik Ukiuqtaqtumi". Nunat uqautainit ihumaliurutainiklu, qanurininganik, niuvvadjutikhainik qanuriurutikhanganik, tamnaluttauq nutaaq qaritauyakkurutikhaq takuyaqtugakhat, [DestinationNunavut.ca](http://DestinationNunavut.ca), pinahuaqtut ilaupkaiyumaplutik amihunik inungnik aquiyumayukhanik aviktuqhimaniptingnut takuyaayumayunik Nunavunmiunit.

"Auiyukhanut maniliurutikhaq ihuaqtauhunguyuq aviktuqhimaniptingni maniliurutikhanik," uqaqtuq Nunavutim Minatanganit Pivalliayuliqiyitkut inglelrayuliqiyikkut, Monica Ell-Kanayuk. "Hamna ihuarniqhauyuq havaakhanik, iliharnikhaniklu nunani angiglavalladjutikhainik Nunavunmiunut. Quviahuitikhaptngnik tautuktitlugitlu ihuarnirit pitquhivut ilitquhivutlu, Nunavut Kavamangat quviahukpiaktut qaitquyiplutik nunaryuamit takutquplugt 'Quvianarningat Ukiuqtaqtumi'."

Hadja amigaitunik hulipkaiyariliqtut aallatqiiniklu niuvvadjutikhanik uuktuutikhanik angiglavalladjutikhainik Nunavutim aquinikkut atuqtakhainik ikayutikhanganiklu, Pivalliayuliqiyitkut inglelrayuliqiyikkut ikayuqpaktait nanminiqaqqtut aquiyunik hulipkaidjutikhainik hanaiyautikhainiklu angitqiyaniq maniliurutikhanik. Aallaniklu takupkaidjutikhainik Nunavunmik, qaritauyakkurutikhaq naunaiqhitikhainik naunairumayamingnik nunani aquiyunik aulapkaiyiyuniklu hulipkaiyuniklu piqariakhainik. Pivalliayuliqiyitkut inglelrayuliqiyikkut hanaqihimmaktut inungnut tuhaqtidjutit takuyakhaniklu takunnaqtukhanik hapkunani Instagram-mi, Twitter-kut Facebook-kutlu.

Tikittukhat Nunavunmut hadja takunnaqtut avikturniani Uukturumalirianginik Nunamut, tautuktitiyt Ottawami aullavaktuq Qiqaiyarluarvia 20 talvunga Apitilirvia 4, 2017. Pivalliayuliqiyitkut inglelrayuliqiyikkut havaqatigivaktait aallatqiiknik havaqatigiiktuk ilauyutlu Pitquhiliqiyitkut, Nunavunmi Hanauyaqtit Miquhuqtitlu Katimayiit, Allianait, Nunavut Sivuniksavut, hapkuatlu Nunavunmun Aquivaktunut hanaqiyamingnik havaktiqaqlutik qunngiaqtauyukhanik tautungnaqhiplugit aviktuyrhimanivut Nunavunmi. Itqurniaqtauyuq taimatut 11 million ingunik aquihunguyut qungiaqtitiyunun Tikittukhat Nunavunmut takkunaqtitlugu avikturniptingni tikilviuyumayuq aquiyunut.

###

## **Tuhaqtidjutikhanut Uqaqvikhaq:**

Eugenie Kwok  
Himmautaulaktuq Atannguyaq Tuhaqtakhanik  
Pivalliayuliqiyitkut inglelrayuiqiyikkut  
(867) 975-7867  
[ekwok@gov.nu.ca](mailto:ekwok@gov.nu.ca)